



Minggu, 27 Nopember 2022
Ogen: 1 Korinti 11:11-12



Radu Perlu



Lit sekalak Moria pendahinna erbinaga rujak, e maka lalap bas pertotonna pagi las wari gelah melala kalak si nukur rujak. Lit ka sekalak Mamre pendahinna erbinaga payung, e maka pertotonna pagi meder udan, gelah lit kalak si nukur payung. Sada wari jumpa ia duana i tiga. Begi Mamre ndai si Moria mindo gelah ula nusur udan, e maka mis ka si Mamre e mindo gelah nusur min udan. Enggo sialo-alon ia duana kemamangen si megi-megi. Dungna nina si Mamre man Moria ndai, kita duana radu-radu perlu.

Labo terjeng wari udan ras wari perlego ngenca si iperlukenn kalak enda duana. Adi si orati kata Dibata enda maka dilaki perlu diberu janah diberu perlu dilaki. Radu-radu perlu. Bage me Dibata nepa manusia, diberu ijadiken arah tulan rangrang si dilaki, janah dilaki tubuh arah diberu nari. Jadi la situalen, duana enggo seri, lit i je saling ketergantungan. La banci dilaki saja ngenca i doni enda, entah diberu saja ngenca. Manusia e jadi kuh, adi lit dilaki ras diberu.

Arah kata e ibabai kita gelah mehamat man si dilaki, sabap i bas ia nari kita ijadiken. Diberu e bagin kula si dilaki e maka sehken lah kehamatenta man bana alu ukur meriah. Si dilaki pe kelengina si diberu sabap ia tubuh i bas rahim diberu nari. I bas bertin diberu ia ikandung siwah bulan dekahna. Seh kal sikapna pengaturen Tuhan e gelah dilaki ras diberu ngidah seri kepe manusia e ergana i lebe-lebe Dibata. Duana rehna i bas Dibata nari. Duana ipake Tuhan guna sikelengen ras si sampaten. Perlu kal igejapken maka labo kepe lit dalam kesirangen dilaki ras diberu. Sura-sura Tuhan njadikan dilaki ras diberu e me jadi temanNa erdahin nelamatkan doni enda. Dilaki ras diberu e mitra kerja Dibata, Erkiteken si e, marilah Moria kerina, si gejapken dirinta ras diri perbulangennta e pemere Dibata si mbelin. Si babai dage dirinta guna pehuliken jabu, gereja ras masyarakat. Ternanami kalak si enterem min keleng ate Dibata arah kehadiran dilaki ras diberu.